

Prueba di e imagen cu Aruba tin awor den exterior

Compania cu kier cumpra na cualkier prijs no por skirbi!

*Carta pa comerciantenan Caya Grandi yen di eror

ORANJESTAD(AAN)— Si un Gobierno ta capaz na regala un persona un Caya na erfpacht y lague hipo teke pa haci negoshi, mientras un gigante financiero casi ta laga Aruba sin awa y coriente; tur hende por purba nan suerte! Awe DIARIO ta presenta e prueba di e compania cu a acerca comerciantenan di Caya Grandi pa cumpra nan edificionan na cual kier prijs. Un carta, carga cu eror!

DIARIO a somete e carta na un analisis y a dicidi di spera un dia pa duna esnan tras di e "inversionistanan grandi" un chens pa reacciona. E reaccion no a bini.

Awe DIARIO ta presenta e carta, den cual un compania cu ta huur apartment na Aruba, ta bisa cu e tin un inversion offshore, cu ta dispuesto pa cumpra edificionan di comerciantenan di Caya Grandi na cualquier prijs.

DIARIO a analisa e carta di e compania, cu ta registra na Camara di Comercio di Aruba, y a descubri na promer lugar cu aki no por papia di un papel, ariba cual a imprimi e nomber, adres y otro informacionnan di e compania.

Den e caso aki tin tur indicacion, cu ta un tarheta cu e informacionnan di e compania, a worde poni ariba un pida papel. Segun e informenan di Camara di Comercio, e director di e compania ta un persona Arubano, descendiente di Surinameño. Ya cu tin ciudadanonan respeta cu mes nomber, DIARIO ta reserva e nomber pa no dañá nomber di nan tur.

E compania tin un adres di e-mail, via Hotmail, cu ta algo

cu bo por haya gratis riba Internet y ta promer bez cu un compania offshore grandi, te asina leu cu DIARIO a experiencia, ta uza e facilidadnan aki. Mas bien nan tin nan propio red ariba internet. E direccion di e-mail ta muestra cu e compania mes no sa con pa skirbi su nomber y ta skirbi "Enterprise" como "Interprise", cu ta un eror cu hopi bez esnan di habla Spaño cu no ta domina Ingles bon, ta comete. Por asumi pues, cu e compania Arubano a permiti un grupo desconoci Venezolano usa su identidad.

Den mundo comercial e palabranan "offshore investment" ta algo diferente for di un compania di offshore. Investment ta nifica inversion. E hecho cu e compania tin un inversion den offshore, ainda no ta bisa cu e tin capital grandi, pasobra na bolsa na New York por ehempel, e por a cumpra dos accion den un compania cu ta bende diamante.

Mas interesante ta, cu e compania ta bisa cu e tin un "very well financed resource".

Aquacking Enterprise

Carlos Bal Delo

Dirección: Beatrixstr. 49 - Tel. 5889993 - Cel. 0414/9623537
www.rouquetdelo@hotmail.com - Aranjestad, Aruba

Dear reader,

Aquackinginterprise is a local development company that has an offshort investment with a very well financed resource.

We have a big interest in buying your propeties and/of store in the mainstreet of downtown.

If you have any interest to sell, we would be more than pleased to come to an agreement and buy your property at any price.

Please contact us at cell +584143577588 for more info or send e-mail to: aquackinginterprise@hotmail.com




Si traduci esaki, por conclui cu e mes no tin placa pero cu e tin un fuente cu a worde bon

financia. Pero nan tin un interes grandi pa cumpra propiedadnan den Caya

Grandi. Pakico den Caya

Sigui lesa Pg. 4

AUXILIO, AUXILIO, AUXILIO!!



BEST DEAL

Tel: 5827100

(Pariha di Aruba Bank, Paradera)



Set si 6pc Pen
pa Afl. 3,95